

Broj: 01-04-2- 191 /2021

Sarajevo, 09. 07. 2021. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te odredbi člana 70. stav (3) Zakona o javnim nabavkama („Službeni glasnik BiH“, broj 39/14), direktor Fonda za zaštitu okoliša Federacije BiH donosi sljedeću

ODLUKU
o izboru najpovoljnijeg ponuđača

I

Najpovoljnijem ponuđaču E3 d.o.o. Sarajevo, broj ponude: P-021-065-010 od 29.06.2021. godine, u postupku javne nabavke dvije automatske monitoring stanice za mjerenje kvaliteta zraka (simultano mjerenje fizikalno – hemijskih pokazatelja kvaliteta zraka i meteoroloških parametara) i eksterne kalibracione jedinice, dodjeljuje se ugovor o nabavci dvije automatske monitoring stanice za mjerenje kvaliteta zraka (simultano mjerenje fizikalno – hemijskih pokazatelja kvaliteta zraka i meteoroloških parametara) i eksterne kalibracione jedinice u iznosu od 427.260,70 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-04-2-59/2021 od 13.04.2021. godine na osnovu koje je izvršena dopuna postojećeg Plana javnih nabavki Fonda za zaštitu okoliša Federacije BiH za 2021. godinu. Javna nabavka je sprovedena putem otvorenog postupka. Ukupna procijenjena vrijednost javne nabavke bila je do 427.350,42 KM bez PDV-a.

Obavještenje o nabavci broj: 1382-1-1-11-3-11/21 objavljeno je na e-Portal javnih nabavki dana 04.05.2021. godine u 11:50 sati, ispravka za Obavještenje o nabavci broj: 1382-1-1-11-8-14/21 objavljena je dana 22.06.2021. godine u 11:06 sati, dok je sažetak Obavještenja o nabavci objavljen u Službenom glasniku BiH, broj: 29/21 od 14.05.2021. godine.

Tendersku dokumentaciju, broj: 01-04-2-2071/2021 od 29.04.2021. godine (u daljem tekstu: tenderska dokumentacija) preuzelo je 12 (dvanaest) ponuđača, ispravku tenderske dokumentacije od 22.06.2021. godine preuzelo je 16 (šest) ponuđača, dok je u skladu sa provedenim postupkom javne nabavke ponudu dostavio sljedeći ponuđač:

R.br.	Broj protokola	Naziv/ime ponuđača	Datum i sat prijema
1.	U-04-2067/21	E3 d.o.o. Sarajevo	05.07.2021.g. u 11:20 sati

Krajnji rok za prijem ponuda bio je 05.07.2021. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-158/2021 od 02.06.2021. godine (u daljem tekstu: Komisija) pristupila je javnom otvaranju ponuda u 12:15 sati, te je konstatovala da je dostavljena ponuda gore navedenog ponuđača blagovremena i prihvatljiva, o čemu je sačinila Zapisnik o otvaranju ponuda, te kopiju istog dostavila navedenom ponuđaču putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponude na zatvorenoj sjednici, te je nakon izvršenog pregleda i ocjene iste utvrdila da ponuda ponuđača E3 d.o.o. Sarajevo, broj ponude: P-021-065-010 od 29.06.2021. godine sa ponuđenom cijenom ponude u iznosu od 427.260,70 KM bez PDV-a ispunjava sve uslove propisane u tenderskoj dokumentaciji.

Tačkom 5.15. tenderske dokumentacije Ugovorni organ je odredio da će se nakon prijema, otvaranja i analize, te pregleda i ocjene ponuda provesti e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16). Obzirom da je zaprimljena 1 (jedna) prihvatljiva ponuda, u skladu sa članom 3. stav (3) Pravilnika, ugovorni organ nije mogao zakazati e-aukciju, te se postupak okončava u skladu sa članom 69. Zakona.

Nakon provedenog postupka provjere kvalifikacije ponuđača i ocjene ponude, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda, broj: 04-2-41/21 od 07.07.2021. godine koji ujedno predstavlja i Izvještaj o radu Komisije, zajedno sa Preporukom o dodjeli ugovora ponuđaču, broj: 04-2-42/21 od 07.07.2021. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača najniža cijena, kao najpovoljnija ponude u predmetnom postupku javne nabavke smatra se ponuda ponuđača E3 d.o.o. Sarajevo, te se ugovor o nabavci dvije automatske monitoring stanice za mjerenje kvaliteta zraka (simultano mjerenje fizikalno – hemijskih pokazatelja kvaliteta zraka i meteoroloških parametara) i eksterne kalibracione jedinice dodjeljuje ponuđaču E3 d.o.o. Sarajevo broj ponude: P-021-065-010 od 29.06.2021. godine sa ponuđenom cijenom u iznosu od 427.260,70 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke.



Dr. sci. oec. Fuad Čibukčić, direktor

Dostaviti:

- ponuđaču
- Sektor za finansije
- a/a